

Die Traditionen des Hochstifts Freising (Ed. Bitterauf), Nr. 327

Dum resedissent Hitto episcopus et Engilhardus comes et Liutpald comes ad ecclesiam qui dicitur Percchiricha et alii multi ibidem venerunt ad hoc placitum, venerunt in praesentia Hunperht et Hroadleoz et Ermanrih et querebant illam ecclesiam in loco qui dicitur Otolteshusir quam Freido presbiter pro remedium animaé suae tradidit ad domo sanctae Mariae. Deinde surrexerunt Kaganhart et alii multi cum eo et testificaverunt quod illi vidissent Freidonem praedictam ecclesiam tradidisse in manus Attonis episcopi et ad domo sanctae Mariae, quando Atto episcopus consecravit illam ecclesiam. Proinde responderunt Hunperht et Hrodleoz et Ermanrih, quod numquam tradita fuisset. Tunc demandavit Engilhartus comes, quod illi nobiles viri iurassent ad veritatem dicendam. Et inprimis iuravit Ekkihart, similiter Kerhart, Salomon, Cunzo, Pernhart, Hrodfolch, Sindihho, Lantperht, Odalpato, Uuîmo, Ato. Et post iuramentum dixerunt, quod praedictus Freido, quando vitam finivit, illos ad se vocaret et secunda vice illam ecclesiam tradidisset ad domo sanctae Mariae et in eorum manus statuisset, ut illi venirent et supradictam ecclesiam tradidissent ad domo sanctae Mariae. Tunc viderunt praedicti homines qui illam ecclesiam querebant, quod nequaquam optinere potuerunt, quod volebant, sed iusto iudicio superati fuerunt et crediderunt sibi, quod iniuste hoc fecissent. Postea venerunt praefati homines Ekkihart et Kerhart cum illis hominibus, in quorum manus statuisset illam ecclesiam et unus cum eis qui ante querebat illam ecclesiam ad monasterio Frigisinensis et reddiderunt illam traditionem cum uno sacramentario coram cuncta congregatione ad domo sanctae Mariae. Et haec sunt nomina illorum qui viderunt et audierunt quod sic conplacitum atque confirmatum est: Hitto episcopus. Engilhart comes. Liutpald comes. Reginhart. Reginperht. Deothart. Kaganhart. Tiso. Pern. Spulit. Cunzo. Uuenilo. Reginolt. Cronhart. Liutfrid. Freso. Unforht. Lantperht. Snelperht. Uuicperht. Francho. Alto. Secki. Itto. Liutunc. Oadalrih et alii multi qui hoc viderunt et audierunt. Actum est hoc in VI. non. octob. in anno gloriosissimo primo regnante Hludouuico imperatore indictione VII. luna XIII.